

NARUČILAC RADOVA:

MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, Sarajevo kojeg zastupa ministar Admir Katica i

IZVOĐAČ RADOVA:

“COSPEX” d.o.o. Zenica, ulica Dobrovoljnih davalaca krvi br. 4, Zenica kojeg zastupa direktor Larisa Redžepović

zaključili su:

UGOVOR

o nabavci građevinsko-zanatskih radova – rekonstrukcije i sanacije na više objekata Ministarstva unutrašnjih poslova Kantona Sarajevo

PREDMET UGOVORA**Član 1.**

Predmet ugovora je nabavka građevinsko-zanatskih radova – rekonstrukcije i sanacije na više objekata Ministarstva unutrašnjih poslova Kantona Sarajevo, a na osnovu Odluke broj 01-14-4-7111 od 19.12.2019. godine kojom je određeno provođenje konkurentskog zahtjeva za dostavu ponuda sa podjelom na LOT-ove.

Građevinsko-zanatski radovi se odnose na sljedeće:

- LOT 1-Sanacija plafona na garaži - PS Vogošća,
- LOT 4-Izrada i ugradnja pumpe za slučaj poplave u podrumskim prostorijama - PS Vogošća,
- LOT 5-Sanacija prodora podzemnih voda u magacinski prostor - Sektor za policijsku podršku,
- LOT 6-Keramičarski radovi – PS Ilijaš,
- LOT 7-Zamjena poda kancelarija i promjena namjene restoran sale u kancelariju - PS Vogošća i
- LOT 8-Opravka eloksirane bravarije - Sektor za policijsku podršku,

Ponude Izvođača radova za svaki LOT su sastavni dio ugovora.

CIJENA**Član 2.**

Ugovorne strane su saglasne da ukupna vrijednost radova sa uključenim PDV-om iznosi 14.019,17 KM (četnaesthiljadadevetnaest i 17/100 KM), i to po LOT-ovima:

- LOT 1 – 4.022,46 KM,
- LOT 4 – 3.042,00 KM,
- LOT 5 – 936,00 KM,
- LOT 6 – 479,70 KM,
- LOT 7 – 4.567,91 KM i
- LOT 8 – 971,10 KM.

ROK IZVRŠENJA RADOVA**Član 3.**

Rok za izvršenje radova je trideset dana od dana uvođenja u posao od strane Naručioca radova i Nadzornog organa.

Izvođač radova ima pravo na produžetak roka izvođenja radova u slučaju više sile, predviđene zakonikim propisima.

NAČIN PLAĆANJA

Član 4.

Vrijednost izvršenih radova Naručilac radova će plaćati na osnovu okončane situacije u roku od trideset dana od dana prijema situacije.

GARANCIJA

Član 5.

Izvođač radova daje 24 mjeseca garancije na izvršene radove po ovom ugovoru. U tom periodu Izvođač radova je dužan da otkolni sve nedostatke, a po pozivu Naručioca radova.

Prodavac se obavezuje da će dostaviti bankovnu garanciju za izvršenje ugovora u iznosu 10% ukupne ugovorene vrijednosti, u roku od deset dana od dana obostranog potpisivanja ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti rok izvršenja ugovornih obaveza + 30 dana.

ODGOVORNOST I VIŠA SILA

Član 6.

Ugovorne strane su se sporazumjele da će sve eventualne sporove nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova konačno rješenje će donositi nadležni sud u BiH.

ZAVRŠNE ODREDBE

Član 7.

Ugovor stupa na snagu potpisivanjem ugovornih strana, a traje do realizacije ugovorenih radova.

Član 8.

Ovaj ugovor sačinjen je u četiri istovjetna primjeraka, od kojih po dva primjerka zadržava svaka od ugovornih strana.

IZVOĐAČ RADOVA:

"COSPEX" d.o.o. Zenica

direktor, Larisa Redžepović



NARUČILAC RADOVA:

MINISTARSTVO UNUTRAŠNJIH POSLOVA

KANTONA SARAJEVO

ministar Admir Katica



Datum: 31.12.2019. godine

Broj: 02-01/20

Datum: 31.12.2019. godine

Broj: 01-14-4-7111-4